

**TATALAINA ALOAIA O LE POLOKALAME FAAMANATU O LE ASO FAAVAOMALO O
TINA MA TAMAITAI I NUU I TUA, 16 OKETOPA 2023**

**SAUNOAGA ALOAIA AFIGA I LE MINISITA O LE MATAGALUEGA O TINA MA
TAMAITAI, ATINAE O AFIGA MA AGA FESOOTA.**

AFIGA MULIPOLA ANAROSA ALE-MOLIOO

- Lau Susuga ile Taitai o le Sauniga, Reverend Sepi Gafa,
- Minisita o le Kapeneta,
- Your Excellency Emily Luck, Australian High Commissioner
- Ms. Delphine Serumaga, Representative of UN Women Fiji Multi – Country Office,
- Members of the Diplomatic Core,
- Faauluuluga o Matagaluega ma Faalapopotoga a le Malo, Pisinisi ma Vaega Tumaoti,
- Paaga galulue o le poloketi a le Maketi mo Suiga (Market for Change),
- Le paia mauuluga o le auvalaaulia aemaise o tina ma tamaitai mai nuu ma afiga i tua o le auga o aute o lenei aso.

Oute ofo alofa ma faatalofa atu i lenei taeao fou.

O lea ua maea ona mua mea i Matautu sa, aua lo tatou va tapuia ma le Mataisau o le Foafoaga. A o paia ma mamalu le avea o lenei taeao, ia nu'unu'u atu ia i tootoo uli ma tootoo sinasina o le atunuu, e ou lea mafaiaoi.

O le tausaga lona lua lenei talu ona faamanatuina le Aso Faavaomalo o Tina ma Tamaitai i Nu'u i Tua, ma patipatia ai lo latou sao i le atinaeina o aiga ma nuu i le Sini Autu "Patipatia ma Amanaia nafa tausí o tina i atinaega aua le maua o taumafa i le lalolagi". O le Aso 15 Oketopa o tausaga taitasi e faamanatuina ai lenei aso faavaomalo, peitai ona o lenei tausaga sa pa'ū i le Aso Sa le Aso 15, o le ala lea ua faamanatuina ai ile asō.

O le faamoemoe o lenei Aso Faamanatu, ia amanaia ma faatauaina le sao aoga o tina aemaise o lo latou tiute ma atinae o loo faatinoina i nuu i tua. Ua o gatasi ai foi nei faatinoga uma ma Sini Autu o le Taiala mo le Atinae Manuia o Samoa 2021 – 2026 e faapea "la fa'aagava'aina alalafaga, faamausali le lotoifale, ma faamaite le faatupulaia o le tamaoaiga"

O le asō o le a tauaaina aloaia ai foi ni masini faatekenolosi e 40 tablets ma laptops e 15 mo le faatinoina o ni aoaoga mo tina fai pisinisi. O nei punaoa o se fesoasoani a le UN Women e tauaia mai i le Malo o Ausetalia ma le Malo o Samoa. O le faamoemoe ina ia siitia le tomai a tina faipisinisi i le faaogaina o tekonolosi faaonaponei e fesoasoani i le faatinoina o latou pisinisi.

Ua faatulaga ai foi le amata aloaia ai ile asō se tasi o aoaoga mo tina o loo faatino atinae i maketi e tolu o loo i totonu o Samoa. O le faamoemoega ia maea ane lenei aoaoga, ua faavae se asosi a le au fai pisinisi i maketi aua nisi faamoemoega sili atu mo lo latou

atinaeina. E amata atu ile asō lenei aoaoga seia oo ile Aso Tofi 19 Oketopa, 2023.

E momoli tele le agaga faafetai ile UN Women aemaise le Malo Ausetalia faapea nisi o paaga galulue a la tatou Malo na oloolo pitovaa ina ia manuia lenei tapenaga ma tino mai e pei ona iai le asō.

Ia manūteleina le faamoemoe ma ia avea lenei avanoa o se fesoasoani mo tatou tina ma tamaitai ua auai mai e siitia ai le tomai aemaise o le tamaoaiga.

Ou te fiafia e faailoa atu, ua tatala aloaia nei le Polokalame mo le Faamanatuina o le Aso Faavaomalo mo Tina ma Tamaitai i Nu'u i Tua.

Faafetai